

DEO OPTIMO MAX.

98

UNI ET TRINO,

VIRGINI DEI-PARÆ, ET S. LUCÆ,
Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS

*manè discutienda in Scholis Medicorum, die Jovis decimâ-sextà mensis
Januarii, Anno Domini M. DCC. XLIX.*M. THEODORO BARON, Artis Infectoriæ,
nec non rei Metallicæ Inquirenti à Consilio Regio
Præposito, Doctore Medico, Præside.*An nondum probati Spiritus animales?*

I.



ORPORUM Organicorum classẽ constituunt Plantæ & Animalia. Hæc differunt ab illis tũm motu quem sibi in se impertire valent, tũm sensu quo gaudent occasione datâ vel ab objectis externis, vel à stimulis internis. Indẽ animalibus partes & organa concessa sunt, quibus motus sensusque possint exerceri, eadem vegetabilibus denegata. Nullum est animal quod cerebro, cerebello, spinalique medullâ & nervis indẽ oriundis non doneatur, vel uno ex his tribus, si saltem ex animalibus mole conspicuis ad minima, è cognitis ad incognita valet analogia. Nec Monstrum tã deforme unquam audivimus in quo hæc tria simul deficerent. At nil simile monstravit plantarum anatomie. Nonnẽ verò præter nervos fibra animalis structurâ gaudet speciali à fabricâ fibræ vegetabilis maximẽ diversâ quâ ad motum sensumque sit aptius animal? Rem ita se habere plura demonstrant phænomena, at probant simul has proprietates abscessis, viciatis nervis cerebrotive non tam diũ vigere quàm iisdem integris. Et videmus eò majorem sentiendi vel movendi se facultatem obtinere animalia, quò plus habent cerebri benè dispositi & vicissim. Adcò hæc duplex facultas characterem constituit regni animalis individuum, ut ea etiam quæ vulgò & immeritò imperfecta dicuntur animalia, nihilominus sentiant, corpus moveant, contrahantque præsertim dum vulnerantur. Hæc dotes totius regni animalis propriæ sensum tamen gradatimque minuuntur & decrescunt in quibusdam speciebus, ita ut tã vulgares quàm quæ Coralla, Madreporas, &c. efformant Polypi ad regnum vegetabile maximẽ vergant, crescendi imprimis modo multiplicandique, & vicissim vegetantia suâ etiam ex parte ad animale accedant, cum Mimosa planta quasi sentire videatur. Hinc transit ex regno in aliud non præceptis & sine saltu. Hinc in regnis varietas multa, confusio nulla. Hinc gradibus ferè insensibilibus naturam ad hominem usque ascendisse diceres; cum minerali regno simplex juxta positio patrium, vegetabilis structura organica humoresque in circulum acti, animalibus movendi se & sentiendi facultas per infinitas series accrescens, tandem homini his omnibus instructo ratio divi-

A



(a) Hest. Compend. Anatom.

(b) Boeth. in fl. N^o. 237.

(c) Leuwenhoek. Epist. Physiol. Mayius de carne musculosa. Dissert. 14.

mitus concessa fuerint. Indè est quod homini cerebrum longè majus quam cæteris animantibus (a) & triplo ponderosius quàm in bove. Viscus autem nobilissimum fornice ossèa undique defensum, densissimà durà matre, arachnoideà, piàque meninge tectum, carotidum & vertebraliū ramificationibus irroratum duplicem exhibet substantiam. (b) Exterior cineracea, mollis, humidior, in gyros profundos sulcata, vocatur cortex cerebri cerebellique; cingit ubique accuratè totam originem alterius substantiæ internæ, albißimæ, solidioris, quæ medulla cerebri & cerebelli vocatur. Substantiam medullarem componi fibris parallelis juxtà longitudinem suam protensis probant corpus callosum, corpora striata, thalami nervorum opticorum, piscium cerebra. Fibras verò medullares cum nerveis continuari docent origines nervorum cerebri spinalique medullæ. Hæ fibræ itaque è medullâ prodeuntes, non bifidæ aut ramose vasorum more, sed continuè ab ortu ad extremitatem usque cylindricæ aut paululum depressæ, (c) ejusdem crassitudinis in avibus, quadrupedibus, piscibusque quamvis mole corporum quàm maximè discrepantibus, compluribus rugis asperata, jam in fasciculos collectæ plùs minùsve majores, nervos efficiunt sic dictos. Hi verò dum intrâ medullam latitant molles, in ipso exitu à cranio & verebris membranas priùs laudatas nanciscuntur, vasis omnis generis refertas, undè mox firmi, duri, iter pergunt N^o. X parium à cranio, XXXI ex medullâ spinali, disperguntur per partes solidas corporis in fasciculos plures dividendi minores atque minores, nunquam membranis spoliati; tandem terminantur vel in papillas, vel membranulas tenuissimas, vel ut in sensuum organis in mollem pulsam, in musculis verò modo nondum benè perspecto. Quà subtiliori mechanicè per instrumenta hæc sensus motusque exercentur detegere difficillimum. Etenim an fibræ medullares nerveæque solidæ sint, & ab earum tremore motive functiones supradictæ pendeant? An potiùs fibræ hæc cavæ sint & in se recipiant humorem tenuissimum in cortice præparatum, secretum, atque in has fistulas ut in canaliculos excretorios impulsus? Arduæ omninò quæstiones! Ultima sanè ingeniosissima & quæ multos habuit patronos. At in re tam gravi è quâ tot & tanta pendent in statu sano juxtâ & morbofo nihil temerè ponendum, nec ut verè probatum admittendum illud quod non firmis fulcitur rationum momentis, nec apprimè phænomenis & inventis omnibus respondet.

I I

QUÆ res si certè in omnibus disciplinis, potissimum in rebus medicis severè debet observari. Præter quàm enim quòd salus & sanitas hominum, paucas vel nullas permittant medicis hypotheses, tota medicina necessariò constat certis plùs minùsve cognitionibus quas summâ citrà determinari necesse est. Multa jam demonstrata vera aut falsa, quædam dubia, non pauca quæ profundè latent multisque labores exposcunt, vel casus feliciores posteris eventuros. Hinc non incommode dispertiretur scientia medicinalis in aphorismos, dubia, desideranda, rara vel monstruosa. Jam verò si vera cum falsis, verè demonstrata cum dubiis promiscuè misceantur, attendenti faciliè patet jam minùs solidis niti fundamentis. artem saluberrimam, incrementa jam tardiora, eventusque fore infeliciores. Quod sanè luculenter probarent historia plurium hypothesium, quæ mutuo sese subvertunt, sæpè renascentes ut denuò pereant. Hinc natum fortassis vulgarissimum (a) verusque de illâ convicius, totam nempe conjecturalem esse. At brevi cessabunt injuriæ dummodò explosis hypothesibus hæc sola affirmantur quæ verè sunt demonstrata, incertiora ad classẽ specialem reponantur, sicque scètarum libertas sua tandem recidit arti exoptata simplicitas. At tot sublati pauca forsàn supererunt? Hanc objectionem faciliè solvet qui perpenderit artis cujuscûmque perfectionem non tam in eo consistere ut multa sumat principia, quàm ut ea quæ semel ponuntur sint verissima. Hinc disciplinæ mathematicæ ad summum culmen evectæ paucis admodum egent axiomatibus & postulatis ut difficillima infinitaque propemodum solvantur problemata. In scientiis verò physicis quæ multa

(a) Cels. Præfat.

3
habent obscura & incerta hæc præcipua lex observanda quod asserendum, dubitandumve suo cumque loco sit. Dubia sæpe ad veritatem manu duxerunt, » (b) si quis » a certis incipiat in dubia definit; sin à dubiis ordiatur eaque aliquandiu patienter » toleret in certis exitum reperiet » at positis hypothesibus figmenta ex figmentis sobolescere nihil mirum est & probat præsens quæstio. Concessis enim spiritibus quot nugæ passim legantur! Severè ergo examinandum num ex datis phenomenis & detectis huc usque anatomicis exurgere possit firmissimum spirituum systema: Nec movere nos debet opinionis antiquitas: natales enim suos habet ex veteris philosophiæ erroribus. Necessariò enim materies subtilissima admittenda erat quæ functiones sic dictas animales perficeret; hinc spiritus nominata. Cùm deinde oculatio evasisset philosophia, vetustissima opinio non prorús evanuit, sed regnanti philosophiæ (ut solito fit) accommodata & adaptata, hinc ut media corpus inter & animam substantia excogitati spiritus: tandem his ultimis temporibus sub diversò nomine conservati ut menti reginæ in posterum ministri forent.

(b) Veritas minus de augmenta, p. 21,

III.

AGE verò spirituum animalium, si lubet eos ponere, naturam nunc exploremus. An lumen, æther, vel materia Electricitatis? Equidem hæc omnia potentissima sunt & motibus excitandis aptissima. Sed certè omnia penetrant, non possunt coerceri nervis, carnesque perindè & adipem ac nervos vi suâ replent. Acidum volatile acido nitti simillimum, vel sulphur inflammabile, vel substantia alcoholis æmula, aut sal volatile oleosum? Assentiri vetant structura nervi delicatior, defectus odoris saporisque in cerebro, destillatio chemica quæ ex cerebro majorem elicit quantitatem phlegmatis merè inspidi, absentia instrumentorum in homine ex quibus producerentur hi spiritus, cùm abundè constet hos filios esse ignis aut fermentationis, qui demùm vi suâ accerrimâ texturam vasorum tenuissimorum solverent aut immobilia redderent. Nec oleum cujuscumque generis hic potest admitti cum motui desiderato sit inidoneum, brevique obstrueret canales exilissimos. Nec aer crassius, repugnant enim ipsius immedietas, rarefactio summa quam suscipit hic maximè nocenda, defectus intumescentiæ ligati nervi, quæ nec adeo magna in cerebro dum vacuo exponitur Boyleano. Forsan aqua tenuissima vel serum? Hæc quidem naturæ nervorum cerebrique convenient sed minimè effectibus producendis. Deindè summa celeritas quæ spiritibus conceditur, ut indè nictu oculi motus sensusque fieri possint nec concipitur, imò repugnare videtur circulationis notissimis legibus. Scire licet eam maximè minui in capillaribus eoque magis quò tenuissima. Ut ergo motus spirituum æstimari possit, comparanda sunt vasa, quibus vehi dicuntur, cum cæteris corporis humani. Verùm injectiones ex quibus nunquam rubet medulla, imò totus cortex, microscopia quæ nullas hic monstrant cavitates probant evidentissimè, quòd si fibræ medullares cavitatibus gaudent canaliculi sint omnium exilissimi & incredibilis tenuitatis. Nullus ergo erit humor in corpore adeò tarde motus & lentescens. Num hæc congruunt phenomenis? nutritioni cerebri quàm maximè, minùs verò sensationi, motuique musculari. Nunquam sanè à priori æstimata fuit spirituum summa mobilitas: at semel admissis, rapiditas motuum sensuumque exigebat ut in motum agerentur perniciosissimum. Porro motus ille quicumque sit novam parit difficultatem vix solvendam. Supponitur enim cum directione prorsus oppositâ, à cerebro ad partes corporis ut inde notus fiant musculares, à partibus verò ad cerebrum ut indè nascantur sensationes. Quæ tamen repugnare videntur huc usque cognitæ in œconomia animalium. Ex scriptis enim immortalis Harvey jam dudum constitit liquida corporis motu gaudere unico, progressivo nempe, nunquam autem opposito in eodem canali ut veteres falsò autumabant: & confirmant multa experimenta hanc vigere legem in tota systemate vasculoso. Cur ergo à generalissimis legibus recederent spiritus? docet equidem acutissimus Santorinus (a) refluxum spirituum aquè facilem esse ac influxum, mirèque explicat elongationem, abbreviationem, expansionem, coactionem.

(a) De structura & motu h. bza.

tionem, omnemque fibræ actionem à vario motu spiritus. Sed duo assumit Santorinus. 1. Fibras omnes corporis nerveas esse. 2. Nervos in extremis non habere patens orificium, sed impervios desinere, veluti rot cæca intestinula. Quorum primum falsum demonstratur, secundum verò merè suppositum. Id solum nobis sufficit. Nulla cognoscitur fibrilla muscularis, quæ irritata non eodem instanti contrahatur sensumque doloris excitet, & hinc ipsissimo temporis momento fieri deberet influxus à cerebro in fibrillam, & ex fibrillâ refluxus ad cerebrum, quod sanè impossibile. Nec reponas fluidum posse vehi à cerebro per fibrillam in musculum, ex musculo revehi ad cerebrum per aliam fibrillam; primam, ut arteriosam motui, secundam ut venosam sensui inservire. Ex supposito enim sequeretur duas adesse fibrillas nerveas pro unaquaque musculari: ac credere vetant anatomes musculi, moles medullæ cerebri, cerebelli, spinalisque comparata cum mole musculorum omnium corporis, leges cognitæ circuli. Nullum enim huc usque habemus vas excretorium quod humorem secretum revehat in organum à quo separatus fuit, nec venam quæ humorem non ferat versus cor. At vena nervosa spiritum cerebro reduceret. Quamvis pars cerebri assignabitur pro receptaculo spirituum? Quæ necessitas perpetua & abundantissima secretionis cum jam minima forent dispendia?

Nec certius probant spiritus sensationum phænomena. Tactus difficilius explicatur refluxu spirituum. Etenim undulationes liquidi referte vix possunt varias impressiones duri, asperi, mollis, levigati, &c. præsertim cum servari debent per vasa longiora, adeo ut ipsi spirituum acerrimi defensores dum tactum excipiant vel inviti recurrere cogantur ad tremores varios in nervis quasi solidis excitatos. Attamen tactus sensus est per universum ferè corpus diffusus: nec auditus, gustus, olfactus, visus, stimuli que omnes interni vel externi sunt, nisi per tactum, porro motus quicumque facilius ferri videntur per corpus solidum quàm per liquidum. Trabes longissima si lenissimè pereuntur digito, auri in altero extremo posita sonum producit vividiorum quàm qui efficeretur mediante aëre. Et pueri dum corpus sonorum filo suspensum exagitant, horrendos ferè percipiunt sonos si filum regioni temporum applicatur, quia scilicet tremores corporis sonori ad auditus organum perveniunt mediante solido, putà filo ossibusque cranii: Deinde respice ad nervos qui organa sensuum adeunt. Molles sunt, ferè pulposi, unde multi negant nervorum soliditatem. Verùm hic mirari debemus legem sapientissimè conditam, ex quâ tamen nullo modo probantur spiritus. Generatim videmus majorem molem & robur nervis accedere quò magis à suâ discedunt origine, & vicissim eò minore suscipere soliditatem quò ortui sunt propiores, quod jam à multis sæculis observatum. At si nervi canales sunt, lex absolute opposita sancta fuisse, saltem si argumentari licet ex analogiâ systematis arteriosi & venosi respectu cordis. His ferè suaderemur motum ab objectis impressum cerebro communicari per quandam nervorum vibrationem, quam minorem in viciniâ cerebri, vividior in majori distantia esse decebat ut paulatim frangeretur, molliorque desineret in medullâ ad minorem cerebri concussionem animæque molestiam. Viderentur ergo nervi firmitudine suâ adipisci quod distantia majori deperderent & vicissim. Aliundè tamen molliores in sensuum organis esse oportebat, ut necessaria & elegans esset proportio inter fibrillas movendas objectaque moventia subtilissima.

Somni phænomena non magis favent spirituum hypothefi. Supponuntur enim nec fecerit tunc temporis, nec fluere per parres, vel saltem minori adesse quantitate nec compressionem in cerebro factam. Attamen viget sensus omnes homini evigilanti, unde potius argueretur spirituum secretionem per somnum copiosissimam fuisse. Verùm secretiones omnes tunc minuantur, nec forsân exceptâ perspiratione. Non absurdè ergò existimaveris laboribus diurnis nervos tandem relaxari, deinde tensionem & elasticitatem deperditas sensum suscipere per somni & noctis placidissimam quietem. Huc facit exemplum corporum elasticorum quæ si diutius tetendris vim omnem amittunt, recuperant verò cum jam non fatigantur. His omnibus

addendum quod in spirituum hypothesi partes omnes non sentiant, nisi à fluente spiritu, proinde fibræ omnes corporis cavæ sint & nervæ. At repugnant detecta anatomica. Demonstrantur fibræ solidæ, non cavæ, fibræ quæ non sunt nervæ. Obstat ne credamus, immensa illa disparitas molis medullæ cerebri spinalisque cum partibus corporis, præsertim in animantibus mole magnis ut equo & bove quibus parum est cerebri. Nervos paucissimos habent membrana cerebri, ægerimè in tendinibus demonstrantur, quæ partes tamen acutissimè sentiunt « (b) neque arteriæ, neque fabrica cellularis, neque placenta ejusque membrana, neque ossium pars magna ex nervis sit ». Et sensilitas partium minus est in ratione quantitatis nervorum quàm earundem tensionis & elasticitatis.

(b) Haller.
Comment. N.^o.
401. N. 2

IV.

AN magis probabitur succi nervi existentia phenomenis musculosæ contractionis? Galenus ligatis nervis Phrenicis vidit motum diaphragmatis interceptum. Bellinus celeberrimum deinde reddidit experimentum, motum quippè resuscitabat in septo premendo nervum infra ligaturam à parte superiori ad inferiorem, inde multi concludunt existentiam fluidi, primò interrupti, deinde ad musculum fluentis cum quadam illius portio infra ligaturam paululum hæserit. (a) At vir in rebus anatomicis medicisque clarissimus observavit contractionem septi atque succedere sive à parte superiori ad inferiorem, sive ab infernâ ad supernam fieret pressio, eoque feliciter musculum contrahi si inæqualitas quadam digitis occurreret unde nervus magis succuteretur quod & ipsi diligenter in cane experti sumus. Nec succedit unâ vice tantùm contractio sed vigesies modò quadam tensio nervo concilietur. Nihil ergò probat experimentum Bellinianum præsertim cum tot contractionibus vix sufficere posset portio minima fluidi infra ligaturam residui. Deinde planè testantur sexcenta anatomicorum experimenta nervo quolibet irritato convelli musculos qui inde fibras recipiunt (b). Aeternæ Veritatis, maxime momenti res est, inquit naturæ scrutator perspicacissimus, quodquocumque etiam tempore nervi irritantur aut saltem attræctantur statim in musculis ad quos illi feruntur notabiles producantur motus à contractione naturali musculorum nequaquam discrepantes: qui tamen haud tanto tempore durant in animalibus sanguine calidiore præditis, ac quidem in illis quæ sanguine vivunt frigidiore. Observavit enim musculum ex ranâ dissectum moveri cum irritaretur nervulus. Ergò manifestè sunt contractiones in musculis cum nervus jam dudum abscissus fuit, nulla jam datur cum cerebro communicatio, cum spiritus, si forent, in auras dissipati sunt aut sua jam actione defuncti elanguerunt. Fiunt & contractiones multæ variis in corporis partibus irritatâ medullâ cerebri, spinalique: Id insuper maxime notandum volumus. Si musculi contrahitur ex influxu liquidi per nervum advenientis, certè vis superaddita unicuique fibræ musculosæ, etiam minima, deberet conspicua fieri in nervo liquidum pro toto musculo ferente, saltem ipsissimo contractionis tempore, cum huiusmodi moles sit ad molem musculi contracti sæpius ut 1 ad 1000. Attamen hanc dilationem nervi nemo mortalium hucusque vidit. Adjicimus probavisse Swammerd. elegantè experimento in corde ranæ suscepto musculum detumescere non verò inflari contractionis tempore. Demùm cavitas in fibrillâ musculari, nervulique in illam insertio hucusque nondum demonstrata.

(a) D. Ferri
D. M. Par. Regi
Sc. Acad. Soc.

(b) Swammerd.
mird. Bib. nat.
p. 839.

At injecta varia motum suscitant musculorum etiam in cadavere præcipuè verò cordis. Nemo nescit corda ranarum, salmonis, anguillarum, serpentum & generatim animalium quibus sanguis minis calidus est diutissime moveri post mortem vel excisâ e corpore. In quadrupedibus ut fele, caniculo, cane, motus vena cava; auricularum & ventriculorum aliquandiu post mortem supersunt. Cor hominis cum è thorace extractum fuisset, palpitare visum est aliquandiu. Nec semel in cadavere humano evenit ut aperto undique thorace (tunc ipso factò mors certissima) cum per palantes anatomici calidas manus fortè ad cor premeretur unda sanguinis tepidiusculi, jam sensus aliquis vitæ apparere, auriculæ & ventriculi cordis dilatari contrahique per aliquod tempus, non sine adstantium miratione summa, pericu-

loque anatomici ob profani vulgi infirmitatem. His addendum quod ex Harveii observationibus cor moveatur antequam cerebrum formatum sit. Certissimè cum secreto & motu spirituum pendeant à corde, initio contractiones cordis fiebant sine spiritu. Quid impedit quominus & deinceps sic fiat, præsertim cum cor initio simplex sit membranula, motui ineptior, deinde acquirat per tempus mirabilem illam fabricam quâ aptissimum redditur motibus suis reciprocandis. (a) Demonstrat enim Myusius carnem hanc fieri lamellis constantibus fibrillis ramosis & reticulatis: musculos autem alios omnes constare fibris cylindraceis, situ parallelo porrectis, nunquam ramosis; docetque carnem ramosam & reticulatam fabricâ suâ convenientissimam esse ut alternis vicibus possit undique dilatari & contrahi, carnem verò musculosam huic operi ineptam, sed ad actionem quam vulgò edit, quâ scilicet secundum unam tantum dimensionem contrahitur & plerumque parti alicui annexa attrahendæ servit, eâ fabricâ quam habet aptissimam esse omnemque suam vim impendere, & vicissim carnem ramosam & reticulatam ad istiusmodi Contractionem secundum unam tantum dimensionem ineptam, nec omnem quâ contrahitur vim adhibituram esse.

Ex supradictis hæc sequi videntur Corollar. 1. causa primaria contractionis musculorum & cordis ab ipsorummet fabricâ pendet. 2. causa verò determinans duplex, stimulus *animalis* pro voluntariis motibus qui modo agit prorsus incognito, stimulus verò mechanicus pro spontaneis ut ventriculi, intestinorum, cordis, respirationis naturalis. 3. Hæc est lex latissimè patens in œconomia animalium: fibra animalis sensibilis est potestque contrahi præsentè stimulo, etiam si non nervea sit vel nervo privata. 4. Quædam proportio requiritur inter stimulum & fibræ irritandam. Hinc stimulus aptissimus ad motum producendum in specie animantis ineptus evadit in alterâ. 5. Patet solutio problematis sæpius propositi; cur in ranis, serpentibus, &c. corda moveantur longè post mortem & è corpore evulsa, quia nempe stimulus frigidus sufficit ubique reperundus. Puta aer externus, instrumentum experientis, &c. stimulum sufficere frigidum probat sanguis eorumdem animalium frigidus motus alternos cordis ciens in statu vitæ. Cur verò in homine & quadrupedibus brevius cessent motus cordis post mortem vel avulsionem à corpore, quia desit stimulus calidus sine quo non fit motus cordis in animali vivente, nec proinde excitandi nisi per halitum, injecta repida, &c. 6. Contractilitas fibræ seuabilitas ut stimuletur servatur augeaturque per nervos. Hic est ordo naturæ, ita ut abscissis nervis vel mortuo animali tandem fiant paralytis & immobilitas citius tardiusve pro genere animalis eventuræ nempe, prout gaudent sanguine calidior frigidiorve.

An contractio musculi à constrictis fibrillis carnis ex filo nerveo, & sic illius abbreviatio? Certe vidit Myusius fibrillas carneas figuræ cylindraceæ relaxationis tempore, contractionis verò nodosâs, ita nempe ac si illorum nodi à villis transversis ad æqualia intervalla eis superpositis illasve circumplicanctibus producti funderent: certè constringunt nervi arteriarum fines quibusdam in animi pathematibus,

V.

NEC ergo sensationes, nec motus musculares probant satis existentiam spirituum. Verum nonnulla restant solvenda quæ huic multum favere vulgò existimantur. Nervos dicunt molliores esse ut vibrari possint, quæ tamen obiecto vim eandem habet contra hypothesim spirituum. Cum enim supponantur ab omnibus fluidissimi, mobilissimi, maximæque energię, vix coerceri possent nisi membranis aut vasis sat robustis. Deinde scire licet fibrillas musculares ultimas multò debiliores esse quàm vulgò putantur, quamvis motus edant maximos, præcipuum vero robur & firmitudinem accipere à systemate membranaceo musculi omnem, fasciculos fibrarum, fibras, fibrillas filaque omnia invicent. Pari prorsus modo videmus non parvum robur fibrillis medullaribus accedere à membranis cerebri fortissimis, fasciculos fibrasque omnes nerveas ambientibus. Nervulus enim pilo porcino non crassior, transversim dissectus ex triginta nervulis, suis

(c) libicem.

(d) Idem. libid.

membranis munitis compactus est communibus integumentis obvolutus. Addendum nec tantas vibrationes nervis necessarias esse ut munia adimplerent, sufficere plerumque ut fibrilla nervea in extremo mora moveatur & in altero, nervos non omni elasticitate prorsus &ensione destitui, manifestissimè accutari dum secantur, præsertim in plexubus ubi major tensio, quod & ipsis evenit suâ in origine medulla nempe, ut nosmetipsi observavimus. Reponunt, ligatis nervis perire sensus motusque in partibus. At 1º. contraria afferuntur experimenta, quæ in operatione anevrismatis probant ex ligato nervo robur majus brachio accessisse. 2º. His tamen suppositis, nullum inde sequitur pro spiritibus argumentum, cum certissimum sit ligatis chordis etiam metallicis maximam soni partem perire, quamvis ligatura adeò debilis sit ut per totam longitudinem chordæ facillè cedere possit, dum in nervo fortior & immobilis. Verum existentiam spirituum concludunt possitissimum experimentis quibus constat irritato nervo convelli musculos inferiores non mutatis superioribus, solidum verò corpus agere per totam sui longitudinem. Difficultatis solutio facillima atrendenti. In his enim experimentis irritatur, truncus nervi, fasciculos minores fibrillasque impertiens musculus inferioribus; eum verò fibræ nerveæ non sint ramosæ, & aliundè fibrilla ad musculos superiores abeuntes irritationi non jam subjiciantur, abunde patet musculos superiores quiescere debere convulsis inferioribus. At si non dantur spiritus quid movebit fibræ? Adhuc 1º. anima cujus imperium non difficilius in corpus solidum quàm in fluidum concipi potest. 2º. Stimuli interni, externi. 3º. Vasa quæ reput per nervorum membranas. Hinc ligatis arteriis membra sapius sunt paralytica sanissimis cerebro, medullâ nerveoque. Verum » (a) undè incrementum medullæ si cæca est? Undè incrementum in proportionem corticis si cum carotidibus nihil habet commercii? » Responsio in promptu est. Undè & incrementum fibræ solidæ, & tela cellulosa ex quâ maximam partem corporis effici certum est? Cellulosa fabrica, juxta doctissimum Anatomicum (b), cujus fides hic non suspecta, fibris sit laniginisque solidis, omnibus neque cavis, neque vasculosis. Quin imò aliud elementum corporis humani est concretum inorganicum, gluten merè effusum, concretum, non in fibras sed in spatia fibris interjecta, ex quo fibræ telaque cellulosa primò natae videntur. Non mirum ergò medullam cerebri nutrirî quamvis fibris componatur non cavis. Demum si nulli feceruntur in cortice spiritus, quæ utilitas sanguinis in capite copiosissimi? Sed attende ad situm perpendicularem ambagesque carotidum & vertebraliû, hinc minutam liquidi fluentis quantitatem, deindè ad materiem secretionum hic uberrimam, perspirationis, mucî narium, salivæ, &c. His demptis, iniquies, supererit quantitas sanguinis magna satis in cerebro ut existimemus hic fieri secretionem. Verum lumen arteriæ splenicæ proportionem servatâ majus est lumine carotidum vertebraliumque simul sumptarum, nec in liene vas secretorium excretoriumve ullâ arte demonstrari potuerunt. Nec tamen negamus liquidum ullum scerni in cortice. Si extremos fasciculos spinalis medullæ, caudam equinam vulgò dictam secueris, exstillabit succus limpidus, (c) Dari in cerebri ventriculis liquidum quoddam non concrefcens sed ex toto evaporans docuit Zambeccari. Si (d) medulla oblongata recentissima discindatur peracutâ novaculâ, oculis armatis apparet undiquè ros exurgens qui protinus dissipatur & renascitur. Ex vivi canis ventriculis cerebri apertis exhalat fumus calidus. Aqua in ventriculis frequentissima post mortem. Habemus ergò rorem tenuissimum fibras cerebri, medullæ oblongare, spinalis, nervorumque continuè irrigantem. Quæ necessitas recurrere ad incognitos liquores, occultaque secretiones? Huc usque toti sumus in verè demonstratis à sensibus. An verò hic liquor materia est spirituum ut cogitavit Bergerus? Procul rejiciuntur ferè omnes, desiniuntque spiritum rem prorsus invisibilem. At nos huic liquori concedimus usum nobilissimum, manifestè parentem, nempe fibras medullares nerveasque à se invicem distinguere, separare, concretioneque impedire; scimus enim ex totâ Historiâ partium in statu sano, morbofo, fibras à liquido intermedio non distinctas brevi concrefcere, corpusque efficere solidissimum. Nec

(a) Boerhaav.
Comment.

(b) Haller.
Phys. c. 1. § 200.

(c) Mangere.
Theat. Anatom.
(d) Boerhaav.
Comm. ibid.

jam ergo inutilis quantitas illa sanguinis cerebri appellentis, præsertim cum non pauca illius portio absorbitur in his vasculis rubris replendis quæ per totam medullam decurrunt, & quæ huic sustinenda, & fibris à mutuâ compressione liberandis destinata credimus. Ut itaque certi sumus fibrillam quamque muscularem à vicinâ distingui separarique oleo tenui à relâ cellulosa supposito, quo deficiente separari agere nequirent aliæ sine aliis, brevique massam efficerent planè immobilem, sic fibras medullares nervasque oportebat relâ tenuissimâ separari ac distingui, non mediante quidem oleo, quod hic foret finelissimum, sed aquoso laticis tenuissimo. Num ros ille tonum requisitum etiam conciliat fibris medullaribus nervisque? Num singulæ hæc ideam vel motum specialem efficiunt & sic erat necessitas summa distinctionis, ut singula quæque moveri possent immotis vicinis? Num etiam ex liquoris huius auctâ, minutâ quantitate, mutata indole nervorum morbi plurimi & medullæ?

Demum supposito quid in utraq; hypothesi omnia æquè dubia forent aut incerta, illa meritò anteposenda videretur quæ nervos supponit solidos cum ex horum soliditate datâ indicationem generentur in morbis certiores, ex spiritibus verò obscuræ magis (ob incognitam indolem) & si jam morbi cognoscerentur forsân deficerent remedia. Nec huc facit opii exemplum quod agere existimant comprimendo cerebrum, minuendoque secretionem spirituum. Opium nervis applicatum illos insensiles reddit, & multa sunt quæ sanguinem rarefaciunt magis quam opium, nec tamen narcotica pollent virtute, & vicissim quæ sedant, nec tamen comprimunt cerebrum. Deindè moschi nuper decantatæ virtutes in moribus convulsivis dum largiori exhibetur dosi nullam in spiritus hic esse actionem supponunt, cum ob renuitatem partium & mobilitatem augetur & secretio & motus spirituum per totum corpus, nec proinde ulla convulsionum sedatio. Sed videtur genus omne nervosum hisce relaxari remediis. Hinc qui patrum rigidiores fibras leniter demulcebat moschi gratissimus odor, jam tunc temporis insensus nepotum nervos imbecilliores eò usque relaxat ut inde nascantur lypothimix. Nec facile credendum liquores fermentatos, cardiaca, odores, &c. vires suas exercere supposito materiæ spirituum proximam. Assentire vetant, tenuitas particulæ summos sæpius produciens effectus, rapiditas phenomeni malè congruens circulationi per venas primò, dein per carotides & corticem. Manifestius agunt stimulando, succutendoque nervos quos ubique offendunt in totâ cute, naribus, ore, œsophago, ventriculo, intestinis. Phenomena, & detecta huc usque in rebus anatomicis nos proinde jubent concludere;

Ergo nondum probati spiritus animales.

DOMINI DOCTORES DISPUTATURI.

M. Franciscus Bernard.

M. Joannes le Thieulier.

*M. Jacobus Verdelhan des Mo-
lles,*

M. Claudius Person.

*M. Ludovicus - Renatus Des-
bois.*

M. Carolus-Ludovicus Liger,

M. Franciscus Possé.

*M. Thobias - Bernardus Ber-
trand.*

*M. Camillus Falconet, Salu-
bris Consilii Regii Socius, &
è Regiâ Inscriptionum &
Numismatum Academiâ.*

Proponerebat Parisiis FRANCISCUŒ THIERY, Tullensis, Doctor Medi-
cus Pontinnusianus, Saluberrimæ Facultatis Medicinæ Parisiensis
Baccalaureus, A. R. S. H. 1749, à sextâ ad meridiem.

Typis GUILLAU, Universitatis & Facultatis Medicinæ Typographi, 1749.